



Zenica, 2018.



VODIČ ZA BRUCOŠE

S OSNOVNIM OBJAŠNENJIMA O UVJETIMA UPISA NA
UNIVERZITET U ZENICI, ECTS-U I BOLONJSKOM PROCESU



VODIČ ZA BRUCOŠE

S OSNOVNIM OBJAŠNJENJIMA O UVJETIMA UPISA NA
UNIVERZITET U ZENICI, ECTS-U I BOLONJSKOM PROCESU

Izdavač:

Univerzitet u Zenici

Za izdavača:

prof. dr. sc. Damir Kukić

Fotografije:

Dado Ruvić, Derviša Zahirović

Tiraž:

1000

SADRŽAJ

Uvod

Da li znate?

Metalurško-tehnološki fakultet

Mašinski fakultet

Filozofski fakultet

Ekonomski fakultet

Pravni fakultet

Medicinski fakultet

Politehnički fakultet

Islamski pedagoški fakultet

Institut „Kemal Kapetanović“

Studentski centar Univerziteta u Zenici

Unija studenata Univerziteta u Zenici

Bolonjski proces

Šta je to ECTAS

Dodatak diplomu - Diploma supplement

Menadžment Univerziteta

Lokacija Univerziteta

Zenica - Univerzitetski grad

VODIČ ZA BRUCOŠE

S OSNOVNIM OBJAŠNJENJIMA O UVJETIMA UPISA NA
UNIVERZITET U ZENICI, ECTS-U I BOLONJSKOM PROCESU

UVOD

Poštovani maturanti, budući studenti Univerziteta u Zenici!

U Vašim rukama je Vodič za brucoše u kojem se nalaze sažeti podaci o svim fakultetima Univerziteta u Zenici i mogućnostima za studiranje na nekom od njihovih brojnih studijskih programa. U kratkim crtama upoznat ćemo vas sa svim onim što je karakteristično za Univerzitet u Zenici i grad Zenicu, a posebno s određenim pojmovima koji se tiču bolonjske reforme obrazovanja, a s kojima ćete se sigurno susretati tokom svog studija.

Univerzitet u Zenici je prvi akreditirani javni univerzitet u Federaciji BiH. Drugim riječima, odabrali ste jedinstven univerzitet u BiH koji se iz dana u dan sve više razvija u lidera u visokoškolskom obrazovanju s međunarodnom orijentacijom. Rado naglašavamo kako Univerzitet u Zenici nije nastao ni slučajno, ni nekom pukom administrativnom odlukom, već baštini tradiciju visokog obrazovanja dugu nepunih šest decenija. S takvom tradicijom i s takvim naučnoistraživačkim iskustvom, Univerzitet u Zenici već je prepoznat kao mjesto koje nudi kvalitetno visoko obrazovanje i dobru priliku za naučnoistraživački rad.

S druge strane, Univerzitet uspješno primjenjuje ECTS, odnosno Evropski sistem prijenosa i akumulacije bodova, te već duže vrijeme razvija vlastiti sistem osiguranja kvaliteta. Pored fakulteta, u sastavu Univerziteta nalazi se i Studentski centar te Institut "Kemal Kapetanović", kao i razni specijalizirani centri, kao što su, naprimjer, Centar za inovativnost i preduzetništvo, Centar za društvena i interreligijska istraživanja, Kancelarija za razvoj karijera i kompetencija te Ured za podršku studentima s posebnim potrebama.

Ono što je zapravo najvažnije jeste da su naši diplomanti danas zaposleni na odgovornim poslovima širom naše zemlje, ali i svijeta. Znanja i vještine koje su stekli na Univerzitetu u Zenici omogućili su im da brzo pronađu zaposlenje i započnu svoje karijere.

U svakom slučaju, želimo da budete dio zajednice nastavnika i studenata Univerziteta u Zenici. **DOBRO DOŠLI!**



DA LI ZNATE!?

- Univerzitet u Zenici baštini tradiciju visokog obrazovanja dugu više od pola stoljeća – prva visokoškolska ustanova u Zenici osnovana je još daleke 1959. godine
- Na Univerzitetu u Zenici trenutno studira oko pet hiljada studenata, a na realizaciji nastavnog procesa angažirano je skoro pet stotina nastavnika i saradnika
- Da li znate da je Univerzitet u Zenici jedan od rijetkih bosanskohercegovačkih univerziteta koji je integriran, odnosno koji je izvršio institucionalnu transformaciju u skladu s Bolonjskom reformom visokog obrazovanja
- Bolonjski koncept obrazovanja na Univerzitetu u Zenici omogućava Vam školovanje u sistemu 3+2+3 godine ili 4+1+3 godine
- Da li znate da Univerzitet u Zenici ima izuzetno povoljan brojčani odnos broja nastavnika u odnosu na broj studenata, kao i ukupan broj računara „po glavi studenta“
- Univerzitet u Zenici posjeduje najsavremeniju opremu za nastavni i naučnoistraživački rad
- Univerzitet u Zenici uspješno je okončao dvije eksterne evaluacije i to od strane Nacionalne agencije za visoko obrazovanje Slovenije i Evropske asocijacije univerziteta iz Brisela, što je jedinstven slučaj u našoj zemlji
- Univerzitet u Zenici ima jako razvijenu saradnju s međunarodnim partnerima, ozvaničenu brojnim bilateralnim ugovorima što vas može dovesti do mogućnosti da dio školovanja obavite kod nekog od naših partnera u Španiji, Italiji, Turskoj, Njemačkoj...
- Univerzitet u Zenici je prvi akreditirani javni univerzitet u Federaciji BiH od strane Agencije za razvoj visokog obrazovanja i osiguranje kvalitete u Bosni i Hercegovini



FAKULTETE I ZEMËBËGUESI I MATERIJALIT



METALURŠKO-TEHNOLOŠKI FAKULTET

Travnička cesta 1
72000 Zenica, BiH
Tel. +387 (0)32 401 831

Dekanat:
Tel. +387 (0)32 403 468
Fax. +387 (0)32 406 903
e-mail: fam@famm.unze.ba

Studentska služba:
Tel. +387 (0)32 401-831, lok. 105
www.mtf.unze.ba



**STUDIJSKI KONCEPT:
4+1+3 GODINE**

NAZIV STUDIJSKOG PROGRAMA	IZLAZNO ZVANJE
Metalurško inženjerstvo	DIPLOMIRANI INŽENJER METALURGIJE eng. Bachelor of Science in Metallurgy Engineering
Inženjerstvo materijala, Smjer za metalne materijale	DIPLOMIRANI INŽENJER MATERIJALA (s naznakom smjera) eng. Bachelor of Science in Materials
Inženjerstvo materijala, Smjer za nemetalne materijale	DIPLOMIRANI INŽENJER MATERIJALA (s naznakom smjera) eng. Bachelor of Science in Materials
Hemijsko inženjerstvo	DIPLOMIRANI INŽENJER HEMIJSKE TEHNOLOGIJE eng. Bachelor of Science in Chemical Technology



IZLAZNA ZVANJA II i III CIKLUSA

Magistarski studij: magistar metalurgije, magistar metalnih materijala, magistar nemetalnih materijala, magistar hemijske tehnologije.

Doktorski studij: doktor tehničkih nauka (s naznakom naučnog polja).

Nastavni planovi i programi usklađeni su s ECTS sistemom. Studij je koncipiran na savremenim evropskim iskustvima izučavanja metalurgije i materijala s više od 50 godina tradicije. Sad vam se pruža prilika da i Vi učestvujete u razvoju bh. metalurgije i industrije metalnih i nemetalnih materijala. Naši studenti danas rade u bosanskohercegovačkim svjetski poznatim kompanijama kao što su ArcelorMittal Zenica, Aluminij Mostar, IGM Visoko, Tvornica cementa Kakanj (HeidelbergCement grupacija) te brojnim drugim domaćim i inozemnim preduzećima.

Napomena: Na Metalurško-tehnološkom fakultetu na I i II ciklusu studija (dodiplomski i magistarski studij) možete studirati kao redovan student kojeg finansira Osnivač i redovan samofinansirajući student.



1977.

2017.

40

UNIVERZITET U ZENICI

MAŠINSKI FAKULTET

godina rada i postojanja

MAŠINSKI FAKULTET U ZENICI

Škola
1977. - 2017.
40 godina rada i postojanja
MAŠINSKI FAKULTET
UNIVERZITET U ZENICI

MAŠINSKI FAKULTET

Fakultetska 1

72000 Zenica, BiH

Tel. +387 (0)32 449 120

E-mail: mf@mf.unze.ba

www.mf.unze.ba

Dekanat:

Tel. +387 (0)32 449 130

Fax. +387 (0)32 246 612

Studentska služba:

Tel. +387 (0)32 449 142

Tel. +387 (0)32 449 120, lok. 142

E-mail: studentska@mf.unze.ba



STUDIJSKI KONCEPTI:

4+1+3 | 3+2+3

NAZIV STUDIJSKOG PROGRAMA	IZLAZNO ZVANJE
	Koncept 4+1+3
Inženjerski dizajn proizvoda	DIPLOMIRANI INŽENJER MAŠINSTVA (s naznakom studijskog programa) eng. Bachelor of Science in Mechanical Engineering
Menadžment proizvodnim tehnologijama	DIPLOMIRANI INŽENJER MAŠINSTVA (s naznakom studijskog programa) eng. Bachelor of Science in Mechanical Engineering
Inženjerska ekologija	DIPLOMIRANI INŽENJER MAŠINSTVA (s naznakom studijskog programa) eng. Bachelor of Science in Mechanical Engineering
Održavanje	DIPLOMIRANI INŽENJER MAŠINSTVA (s naznakom studijskog programa) eng. Bachelor of Science in Mechanical Engineering
	Koncept 3+2+3
Mašinstvo	INŽENJER MAŠINSTVA eng. Bachelor in Mechanical Engineering

IZLAZNA ZVANJA II i III CIKLUSA

Magistarski studij: magistar mašinstva (s naznakom studijskog programa).

Doktorski studij: doktor tehničkih nauka (s naznakom naučno-stručne oblasti).

Mašinski fakultet Univerziteta u Zenici baštini 40 godina tradicije u obrazovanju mašinskih inženjera različitih profila. Nastavni planovi i programi usklađeni su s ECTS-om, s mogućnošću vertikalne i horizontalne prohodnosti. Fakultet ima 8 matičnih katedri i raspolaže sa 10 laboratorija gdje se nalazi najsavremenija oprema za edukaciju studenata i naučnoistraživački rad. Posebno se ističe primjena tehnologija 3D-printanja, izrada prvog 3D-printera u BiH i realizacija nekoliko robotskih sistema. U pripremi su i novi odsjeci prvog ciklusa studija Inženjerska i poslovna informatika te Dizajn i tehnologije u drvoprerađi. Studenti svake godine obavezno idu na različite edukativno-stručne ekskurzije u inozemstvu. Posebna pažnja posvećena je međunarodnoj mobilnosti studenata i nastavnika kroz učešće u CEEPUS i ERASMUS+ mrežama. Fakultet ima dugogodišnju saradnju s preko 120 preduzeća u BiH i inozemstvu gdje rade mnogi naši inženjeri, često na pozicijama rukovođenja i razvoja. Na studiju mašinstva školuju se stručnjaci za rad u oblastima razvoja proizvoda, konstruiranja, upotrebe i održavanja postrojenja i uređaja, projektiranja i vođenja tehnologija proizvodnje, ispitivanja, obnovljivih izvora energije, ekološkog inženjerstva, automatizacije, robotizacije, mjerenja itd. Studenti koriste savremene softverske alate iz domena CAD-a, CAM-a, CAE-a, PDM-a, PDL-a itd. za dizajniranje i analizu proizvoda, razvoj proizvoda, tehnologiju proizvodnje itd. Višegodišnje praćenje rezultata našeg rada ukazuje na kvalitet studijskih programa i izlazne kompetencije završenika u praksi, validnost diplome u Evropi i svijetu, kao i činjenicu da nema nezaposlenih diplomiranih inženjera mašinstva s ovog Fakulteta.

Napomena: Na Mašinskom fakultetu, na I i II ciklusu studija (dodiplomski i magistarski studij), možete studirati kao redovan student kojeg finansira Osnivač i kao redovan samofinansirajući student.



FILOZOFSKI FAKULTET

Zmaja od Bosne 56
72000 Zenica, BiH
Tel. +387 (0)32 243 574
www.ff.unze.ba

Dekanat:
Tel. +387 (0)32 243 574
Fax. +387 (0)32 245 992

Studentska služba:
Tel. +387 (0)32 243 574 lok. 14
E-mail: studentska@pf.unze.ba



STUDIJSKI KONCEPT:

4+1+3 godine

NAZIV STUDIJSKOG PROGRAMA	IZLAZNO ZVANJE
Razredna nastava	PROFESOR RAZREDNE NASTAVE eng. Bachelor of Science in Education
Engleski jezik i književnost	PROFESOR ENGLESKOG JEZIKA I KNJIŽEVNOSTI eng. Bachelor of Science in English Language and Literature
Njemački jezik i književnost	PROFESOR NJEMAČKOG JEZIKA I KNJIŽEVNOSTI eng. Bachelor of Science in German Language and Literature
Turski jezik i književnost	PROFESOR TURSKOG JEZIKA I KNJIŽEVNOSTI eng. Bachelor of Science in Turkish Language and Literature
Matematika i informatika	PROFESOR MATEMATIKE I INFORMATIKE eng. Bachelor of Science in Mathematics and Informatics
Bosanski, hrvatski, srpski jezik i književnost	PROFESOR BOSANSKOG, HRVATSKOG, SRPSKOG JEZIKA I KNJIŽEVNOSTI eng. Bachelor of Science in Bosnian, Croatian, Serbian Language and Literature
Kulturalni studij	DIPLOMIRANI KULTUROLOG eng. Bachelor of Arts in Culturology



IZLAZNA ZVANJA II i III CIKLUSA

Magistarski studij: magistar razredne nastave (s naznakom stručne oblasti), magistar engleskog jezika i književnosti - prevodilački smjer, magistar engleskog jezika i književnosti - nastavnički smjer, magistar njemačkog jezika i književnosti, magistar turskog jezika i književnosti, magistar matematike i informatike, magistar bosanskog, hrvatskog, srpskog jezika i književnosti.

Doktorski studij: doktor društvenih nauka (s naznakom naučno-stručne oblasti).

Nastavni planovi i programi usklađeni su s ECTAS-om, s mogućnošću vertikalne i horizontalne prohodnosti. Fakultet gaji dugogodišnju tradiciju edukacije nastavnika razredne nastave, matematike i informatike, te engleskog, njemačkog, turskog i bosanskog, hrvatskog, srpskog jezika.

Napomena: Na Filozofskom fakultetu, na I i II ciklusu studija (dodiplomski i magistarski studij), možete studirati kao redovan student kojeg finansira Osnivač, redovan samofinansirajući i vanredan student.

UNIVERZITET U ZENICI

EKONOMSKI FAKULTET



EKONOMSKI FAKULTET

Fakultetska bb

72 000 Zenica, BiH

Tel. +387 (0)32 460 440

E-mail: ef@unze.ba

www.ef.unze.ba

Dekanat:

Tel. +387 (0)32 460 440

Studentska služba:

Tel. +387 (0)32 460 444



STUDIJSKI KONCEPT:
4+1+3 godine

NAZIV STUDIJSKOG PROGRAMA	IZLAZNO ZVANJE
Menadžment preduzeća	DIPLOMIRANI EKONOMIST (s naznakom studijskog programa) eng. Bachelor of Science in Economics
Računovodstveni i revizijski menadžment	DIPLOMIRANI EKONOMIST (s naznakom studijskog programa) eng. Bachelor of Science in Economics



IZLAZNA ZVANJA II i III CIKLUSA

Magistarski studij: magistar ekonomije (s naznakom studijskog programa).

Doktorski studij: doktor ekonomskih nauka.

Nastavni planovi i programi usklađeni su s ECTAS-om, s mogućnošću vertikalne i horizontalne prohodnosti. Fakultet nudi široke mogućnosti daljeg školovanja na postdiplomskom studiju i budućeg zaposlenja. Imamo brojne kontakte s regionalnim i evropskim univerzitetima, kao i brojne partnere za razmjenu studenata. Nudimo mogućnosti praktičnog rada u malim i srednjim preduzećima iz regije, te velikim poslovnim i privrednim sistemima, osiguravajućim društvima, hotelima, revizorskim kućama. Uz inovirane nastavne planove i programe, nudimo vam priliku da studirate ekonomiju na fakultetu koji neće zanemariti kvalitet nastave u korist prevelikog broja upisanih kandidata. To omogućuje mnogo bolju komunikaciju s profesorima i asistentima, te mogućnost da izvan nastavnog procesa učestvujete u istraživačkom radu. Uz vaš mogući angažman u Centru za inovativnost i preduzetništvo, poslovnim zonama, klasterima, tehnološkim parkovima, vaš put do radnog mjesta bit će brži i kraći.

Napomena: Na Ekonomskom fakultetu, na I i II ciklusu studija (dodiplomski i magistarski studij), možete studirati kao redovan student kojeg finansira Osnivač, redovan samofinansirajući i vanredan student.

PRAVNI FAKULTET

- studentska služba -



PRAVNI FAKULTET

Fakultetska bb

72 000 Zenica, BiH

www.prf.unze.ba

Facebook profil: <https://www.facebook.com/pravnifakultetzenica/>

Instagram profil: [instagram.com/pravnifakultetze](https://www.instagram.com/pravnifakultetze)

Dekanat:

Tel. +387 (0)32 460 550

Studentska služba:

Tel. +387 (0)32 460 555

E-mail: studentska@prf.unze.ba



STUDIJSKI KONCEPT: 4+1+3 godine

NAZIV STUDIJSKOG PROGRAMA	IZLAZNO ZVANJE
Pravo, opći smjer	DIPLOMIRANI PRAVNIK eng. Bachelor of Science in Law

IZLAZNA ZVANJA II i III CIKLUSA

Magistarski studij: magistar prava.

Doktorski studij: doktor pravnih nauka.

Potpuno inovirani nastavni planovi i programi omogućit će Vam stjecanje savremenih znanja iz oblasti pravnih nauka, kompatibilnih s učenjem Vaših kolega iz zemalja razvijenog svijeta. Nastavni planovi i programi napravljeni su u skladu s Bolonjskom deklaracijom koja omogućava vertikalnu i horizontalnu prohodnost.

Pravni fakultet Univerzitet u Zenici je član prestižne mreže pravnih fakulteta Jugoistočne Evrope (SEELS), www.seelawschool.org. Zahvaljujući članstvu u ovoj mreži i drugim sporazumima, posebno su značajne mogućnosti učešća studenata Pravnog fakulteta u




međunarodnim razmjena i takmičenjima gdje možete steći dodatna znanja, vještine i poznanstva u pravnoj struci, neophodna za izgradnju i očuvanje BiH kao pravne države.

Pravni fakultet Univerziteta u Zenici ostvaruje međunarodnu saradnju s fakultetima u Njemačkoj, Španiji, Rumuniji i Hrvatskoj putem Erasmus programa razmjene studenata. Pravni fakultet Univerziteta u Zenici ostvaruje saradnju s brojnim međunarodnim i domaćim naučnim i pravnim institucijama kao što su Kantonalni sud Zenica, Sud BiH, Kazneno-popravni zavod Zenica, Notarska komora FBiH, Advokatska komora FBiH, Agencija za državnu službu FBiH, Skupština Zeničko-dobojskog kantona, Kantonalni zavod za pravnu pomoć, Međunarodni krivični sud za bivšu Jugoslaviju (ICTY), Centar za ljudska prava Mostar, pravni fakulteti u Zagrebu, Splitu, Rijeci, Beogradu, Nišu, Podgorici, Skoplju i Tirani.


Studenti Pravnog fakulteta od 2012. do 2018. godine, pored redovnih aktivnosti, uspješno su učestvovali u takmičenjima iz oblasti međunarodne arbitraže, međunarodnog krivičnog prava i investicionog prava. Studenti Pravnog fakulteta su u 2018. godini ostvarili izvanredan plasman na svjetskom takmičenju u arbitraži tako što su ušli među 16 najboljih timova na svijetu! To je prvi put da jedan pravni fakultet iz regiona ostvari ovakav uspjeh.

Pravni fakultet u Zenici izdaje indeksirani časopis Anali Pravnog fakulteta Univerziteta u Zenici koji ima međunarodni uređivački odbor, međunarodne recezente i nalazi se u prestižnim međunarodnim bazama podataka HEINONLINE, EBSCO i C.E.E.O.L.

Napomena: Na Pravnom fakultetu u I i II ciklusu studija (dodiplomski i magistarski studij) možete studirati kao redovan student kojeg finansira Osnivač, redovan samofinansirajući student i vanredan student.



...seca ima oblik...
 ...seca je...
 ...seca je...
 ...seca je...



...i na strani...
 ...i na strani...
 ...i na strani...
 ...i na strani...



Slika 2. Srce (Secus sinuotransversalis)

1. Venosa brachiocephalica, 2. v. cava superior, 3. v. cava inferior, 4. a. coronaria dextra,
5. a. coronaria sinistra, 6. a. v. cava inferior, 7. ventriculus dexter, 8. tunica dextra, 9. septum inter-
10. i interventriculare sinisteris a. coronaria sinistra, 11. tunica interventriculare sinisteris,
12. canalis interventriculi, 13. ventriculus sinisteris, 14. v. pulmonalis sinisteris, 15. ventriculus
16. sinisteris, 17. a. subclavia sinistra, 18. a. aorta communis sinisteris

Unstrukturalni izgled srca

Srce čine četiri supljine: desna prekomora - Atrium i lijeva, i desna i lijeva prekomora i komora koje su povezane međusobno cijelim srcom.

Prekomora su razdvajane međukomornim pregradom (Septum interventriculare) i komora međukomornom pregradom (Septum interventriculare).

Svaka prekomora je spojena sa odgovarajućom komorom pomoću pregradnog otvora (ostium atrioventriculare dextrum et sinistru atrioventriculare).

U mežukomornom septumu, prekomora su spojene zajedničkim, uspravnim, uskim, uskim dijelom gladne rane. Komora su spojene zajedničkim, uskim, uskim i uskim i cijelim, uskim zbog prisutva različita mišićnog slojeva. U lijevoj komori, koja je i uspravniji dio srca.

MEDICINSKI FAKULTET

Travnička cesta 1
72 000 Zenica, BiH
E-mail: medicinski@medf.unze.ba
www.medf.unze.ba

Dekanat:
Tel. +387 (0)32 444 780

Studentska služba:
Tel. +387 (0)32 444 780 lok. 138



STUDIJSKI KONCEPT:**(Opća medicina) 6 godina****(Zdravstvena njega) 4+1+3 godine**

NAZIV STUDIJSKOG PROGRAMA		IZLAZNO ZVANJE
Integrirani šestogodišnji studij		
Opća medicina		DOKTOR MEDICINE eng. Doctor of Medicine
Koncept 4+1+3		
Zdravstvena njega		DIPLOMIRANA MEDICINSKA SESTRA/TEHNIČAR eng. Bachelor of Nursing

IZLAZNA ZVANJA II i III CIKLUSA

Magistarski studij: magistar zdravstvene njege i menadžmenta.

Praktični dio nastavnog procesa realizira se u prostorima Kantonalne bolnice Zenica.

Napomena: Na Medicinskom fakultetu, na I i II ciklusu studija (dodiplomski i magistarski studij), možete studirati kao redovan student kojeg finansira Osnivač i redovan samofinansirajući student.





POLITEHNIČKI FAKULTET

Fakultetska 1
72000 Zenica, BiH
Tel. +387 (0)32 449 120
E-mail: ptf@unze.ba
www.ptf.unze.ba

Dekanat:
Tel. +387 (0)32 449 145
Fax. +387 (0)32 449 126



STUDIJSKI KONCEPTI:

4+1+3 i 3+2+3

NAZIV STUDIJSKOG PROGRAMA	IZLAZNO ZVANJE
	Koncept 4+1+3
Građevinarstvo	DIPLOMIRANI INŽENJER GRAĐEVINARSTVA eng. Bachelor of Science in Civil Engineering
	Koncept 3+2+3
Proizvodni biznis	PROIZVODNI INŽENJER eng. Bachelor in Production Engineering
Softversko inženjerstvo	SOFTVER INŽENJER eng. Bachelor in Software Engineering



IZLAZNA ZVANJA II i III CIKLUSA

Magistarski/master-studij: Magistar građevinarstva

(eng. Master of Science in Civil Engineering)

Magistar proizvodnog inženjerstva

(eng. Master of Science in Production Engineering)

Magistar softverskog inženjerstva

(eng. Master of Science in Software Engineering)

Doktorski studij: Doktor tehničkih nauka (sa naznakom naučne oblasti)

(eng. *Doctor of Science in a specific technical field*)

Pratimo svjetske trendove i školujemo kadrove koji nedostaju u poslovnom okruženju u BiH. Proizvodni inženjeri osposobljeni su da vode komercijalne poslove vezane za mašinsku industriju, projektuju, organizuju i nadgledaju proizvodne procese, provode tehno-ekonomske analize. Diplomirani inženjeri građevinarstva rješavaju stručne građevinske probleme, dimenzionišu konstrukcije, projektuju građevine i vode građevinske zahvate. Softver inženjeri održavaju informacione sisteme, kreiraju baze podataka, razvijaju mobilne i web-aplikacije, projektuju i implementiraju softverska rješenja. Nastavni planovi i programi u cijelosti su usklađeni sa evropskim ECTAS sistemom vrednovanja.

Napomena: Na Politehničkom fakultetu na I i II ciklusu studija (dodiplomski i master-studij) može se studirati kao redovan student kojeg finansira Osnivač ili kao redovan samofinansirajući student.



TREASURE



Yellow and white notices on the wall.



ISLAMSKI PEDAGOŠKI FAKULTET

Juraja Neidharta 15
72000 Zenica, BiH
Tel. +387 (0)32 402 919
Fax. +387 (0)32 402 785
www.ipf.unze.ba

Studentska služba:
Tel. +387 (0)32 402 919

Prodekan za nastavu:
Tel. +387 (0)32 402 919



ISLAMSKI
PEDAGOŠKI
FAKULTET
U ZENICI

STUDIJSKI KONCEPT:
4+1+3 godine

NAZIV STUDIJSKOG PROGRAMA	IZLAZNO ZVANJE
Islamska vjeronauka	DIPLOMIRANI PROFESOR ISLAMSKJE VJERONAUKE eng. Bachelor of Islamic Religious Studies
Socijalna pedagogija	DIPLOMIRANI SOCIJALNI PEDAGOG eng. Bachelor of Science in Social Pedagogy
Arapski jezik i književnost	PROFESOR ARAPSKOG JEZIKA I KNJIŽEVNOSTI eng. Bachelor of Science in Arabic Language and Literature
Predškolski odgoj i obrazovanje	DIPLOMIRANI PROFESOR PREDŠKOLSKOG ODGOJA I OBRAZOVANJA eng. Bachelor of Pre-school Education



IZLAZNA ZVANJA II i III CIKLUSA

Magistarski studij:

magistar religijske edukacije
(s naznakom studijskog programa), magistar
predškolskog odgoja i obrazovanja, magistar socijalne pedagogije.

Doktorski studij:

doktor humanističkih nauka (s naznakom naučno-stručne oblasti),
doktor društvenih nauka (s naznakom naučno-stručne oblasti).

Islamsku pedagošku akademiju u Zenici osnovao je u augustu 1993. godine Sabor Islamske zajednice BiH , čime je stvorena nova vrsta obrazovne institucije koja se svojom temeljnom odgojno-obrazovnom svrhom i vjersko-pedagoškim nagnućem, u znatnoj mjeri, nadovezuje na tradiciju Darulmuallimina. Pridružena je članica Univerziteta od 2004. godine. Nastavni planovi i programi usklađeni s ECTAS-om. Od 2005. godine Akademija je prerasla u Islamski pedagoški fakultet.

Napomena: Na Islamskom pedagoškom fakultetu, na I i II ciklusu studija (dodiplomski i magistarski studij), možete studirati kao redovan student kojeg finansira Osnivač, redovan samofinansirajući i vanredan student.

A photograph showing a stone wall in the foreground with large, dark metal letters spelling out the name of an institution. The letters are arranged in four lines. In the background, a modern building with large windows and a staircase is visible, along with some trees and a sculpture of a figure.

UNIVERZITET U ZENICI
METALURŠKI INSTITUT
KEMAL KAPETANOVIĆ
ZENICA

INSTITUT „KEMAL KAPETANOVIĆ“

Travnička cesta 7
72000 Zenica, BiH
Tel. +387 (0)32 247 999
Fax. +387 (0)32 247 980
E-mail: institut@ikk.unze.ba
www.ikk.unze.ba





Institut „Kemal Kapetanović“ osnovan 1961. godine, u momentu kada su intenzivan rast proizvodnje i novi izazovi u tehnologiji proizvodnje čelika u tadašnjoj Željezari Zenica zahtijevali sve veće učešće naučnoistraživačkog rada. U međuvremenu Institut je kao naučnoistraživačka organizacija stekao veliki ugled u poslovnom svijetu bivše zajedničke države pa i šire, učestvujući u različitim međunarodnim projektima i saradujući s brojnim uglednim svjetskim institutima.

U poslijeratnom periodu, u otežanim društvenim i ekonomskim okolnostima, Institut pokreće projekt uvođenja sistema upravljanja kvalitetom u laboratorije Instituta, prema standardu EN 45001, kasnije EN ISO/IEC 17025, te izgradnje internet-čvora, te njegovi laboratoriji stječu prve akreditacije po evropskim standardima.

Zeničko-dobojski kanton, kao vlasnik kapitala, na skupštini održanoj 25. septembra 2006. godine, preuzeo je prava i obaveze osnivača nad Institutom, te utvrdio njegov status organizacione jedinice Univerziteta u Zenici, s ciljem uvezivanja nauke, obrazovanja i privrede.

Djelatnosti Instituta su: istraživanje i eksperimentalni razvoj u prirodnim, tehničkim i tehnološkim naukama; arhitektonske i inženjerske djelatnosti i tehnička savjetovanja; tehničko ispitivanje i analiza; obrazovanje odraslih; biblioteka djelatnost; pružanje savjeta o računarskoj opremi; savjetovanje i ponuda programske

opreme; obrada podataka; izrada i upravljanje bazama podataka; te ostale srodne računarske aktivnosti.

U okviru registrirane djelatnosti Institut može obavljati proizvodnju u manjim serijama proizvoda, odnosno predmeta, koji su rezultat naučnoistraživačkog i stručnog rada Instituta.

Podorganizacione jedinice Instituta su: Zavod za fizičku metalurgiju, Zavod za metaluršku hemiju, Zavod za zaštitu i ekologiju, Zavod za toplotehniku i mjerenja, Zavod za zavarivanje, Zavod za topljenje i livenje metala, Zavod za plastičnu preradu metala, Zavod za mašinstvo, Zavod za elektrotehniku i automatizaciju, Zavod za rude i gvožđe, te Indok-centar.





Prostorni plan: 2000-2015 Univerzitet u Zenici

**STUDENTSKI
CENTAR** ZENICA 

The logo consists of the letters 'SZ' in a white, stylized font inside a white circle, set against a red background.

STUDENTSKI CENTAR UNIVERZITETA U ZENICI

Crkvice 50

72000 Zenica, BiH

Tel. +387 (0)32 226 602

Tel. +387 (0)32 226 601 (direktor)

Tel. +387 (0)32 226 604 (smještaj i ishrana)

E-mail: studcentze@bih.net.ba

www.sc.unze.ba



Studentski centar formiran je prvenstveno radi osiguranja smještaja, ishrane i ostalih srodnih usluga za studente koji dolaze izvan Zenice. Centar je smješten u prijatnom ambijentu gradskog naselja Crkvice i vrlo je dobro povezan gradskim autobuskim linijama s centrom grada i svim fakultetima. Centar ima smještajni kapacitet od 228 ležajeva, odnosno 33 dvokrevetne i 54 trokrevetne sobe, a raspolaže i dvjema učionicama, čitaonicom, tv-salom, restoranom, multimedijalnim centrom, teretanom i drugim neophodnim sadržajima. Sva svoja prava i obaveze, kao i organizaciju različitih kulturnih, zabavnih i sportskih događaja, studenti ostvaruju i organiziraju putem Asocijacije studenata Studentskog centra koja je u sastavu Unije studenata Univerziteta u Zenici.







UNIJA STUDENATA UNIVERZITETA U ZENICI

Fakultetska 3,
72000 Zenica, BiH
Tel: +387 32 444 420
Fax: +387 32 444 431
E-mail adresa: us@unze.ba
www.us.unze.ba



U retrospekciji, niti jedan student se neće sjećati onog „pravo dobro položenog ispita“ ili „najluđeg predavanja ikad“. Tu titulu će uvijek uzimati studentski provodi, putovanja ili ono kada je Mirza ul... O tome ne bismo trebali pričati. :D Sve u svemu, završili ste srednju školu, student ste sada. Čestitamo, bravo, wow. Međutim, svi znamo zašto smo tu. Taj notorni status studenta koji odjekuje stoljećima unazad kroz svaku naciju i kulturu na našoj planeti nije iluzija. Revolucionari, vizionari, inovatori... To nisu samo epiteti koje nam daje neka random bakica koja stoji ispred nas u redu dok plaćamo račune. Razumijemo da ste nekada u školi bili predsjednik razreda ili higijeničar (za one koji su bili malo manje ambiciozni), ali moramo priznati da su to više bile neke simbolične funkcije, te da vas se zbog istih sada vjerovatno sjećaju kao one osobe koja je svima govorila da budu tiši.

Tu dolazi Unija studenata Univerziteta u Zenici, u potpunosti studentska organizacija sa demokratski izabranim predstavnicima studenata na svim ciklusima i godinama studija, te smjerovima odsjeka, odsjecima fakulteta i fakultetima Univerziteta. Članovi Unije studenata se biraju u članstva





svih organa i tijela Univerziteta u Zenici, te organizacionih jedinica, gdje ravnopravno predlažu, učestvuju u raspravi i glasaju o svim promjenama vezanim za Univerzitet i studente. Bilo da je u pitanju naučno-nastavno vijeće nekog fakulteta, ili Senat, najviše akademsko tijelo Univerziteta u Zenici, vi kao student ćete imati priliku da svojim djelovanjem utječete na donošenje važnih odluka, a samim time i da se nosite s većom odgovornošću u vezi toga. Međutim, ako to nije vaša „fazon“, onda se uvijek možete uključiti u izradu i realizaciju projekata, organizovanje putovanja i sportskih aktivnosti, itd.

Unija studenata će uvijek štiti prava studenata i raditi na poboljšanju studentskog života.

Za kraj želimo da vam damo naš savjet: uvijek obraćajte pažnju na fusnote.

¹ Unija studenata Univerziteta u Zenici je neprofitna, nevladina, nestranačka organizacija. To znači da je svaki vid rada u Uniji studenata volonterski. Dakle, nema zarade novca. Ništa! Nula! Možda otputujete negdje, ali samo ako se uključite u rad Unije. Ili ako pametno napravite neki dobar projekat, onda možda nešto i zaradite, recimo, iskustvo... Ništa ne garantujemo! :D



PRAVNI FAKULTET

UNIVERZITET U ZENICI

PRAVNI FAKULTET

BOLONJSKI PROCES?

Bolonjski proces je naziv reforme visokog obrazovanja u Evropi kojoj je osnovni cilj bio da do 2010. godine izgradi jedinstveni Evropski prostor visokog obrazovanja (European Higher Education Area – EHEA). Ovako organiziran prostor evropskog visokog obrazovanja trebao bi da dovede do različitih sinergijskih efekata, povećanja konkurentnosti i veće pokretljivosti studenata.

Reforma je započeta čuvenom Bolonjskom deklaracijom, 19. juna 1999. godine, a počiva na nizu dokumenata i deklaracija kojima se daju osnovni principi utemeljenja, izgradnje i djelovanja univerzitetâ. Naša zemlja Bolonjskom procesu zvanično je pristupila 19. septembra 2003. godine, kada se obavezala da će raditi na ispunjavanju ciljeva Bolonjskog procesa.

Najveći napredak u provedbi Bolonjskog procesa Bosna i Hercegovina je postigla usvajanjem Okvirnog zakona o visokom obrazovanju, objavljenog u Službenom glasniku BiH u augustu 2007. godine, te usvajanjem sedam strateških dokumenata kojima se stvaraju pretpostavke za provedbu bolonjske reforme.

U praktičnom smislu, Bolonjski proces podrazumijeva:

- usvajanje sistema lako razumljivih, prepoznatljivih i uporedivih akademskih zvanja;
- usvajanje sistema s dva glavna ciklusa studiranja (dodiplomski i postdiplomski);
- uspostavljanje kreditnog sistema ECTAS-a;
- promoviranje efektivnog slobodnog kretanja studenata, nastavnika, naučnih saradnika i administrativnog osoblja;
- promoviranje i unapređenje evropske saradnje u osiguranju kvaliteta s ciljem razvoja uporedivih kriterija i metodologija;
- promoviranje evropske dimenzije u visokom obrazovanju;
- *lifelong learning* (cjeloživotno učenje);
- aktivnije uključivanje studenata u reformu i upravljanje visokoškolskim ustanovama;
- unapređivanje privlačnosti i konkurentnosti Evropskog područja visokog obrazovanja.

ŠTA JE TO ECTS?

Jedan od osnovnih „alata“ u izgradnji jedinstvenog Evropskog prostora obrazovanja jeste ECTS (European Credit Transfer System), odnosno Evropski sistem prijenosa bodova, koji nacionalnim sistemima širom Evrope omogućuje efikasnu pokretljivost studenata i profesora.

ECTS je osmišljen kao jedinstveni sistem koji omogućuje lakšu prepoznatljivost i poređenje različitih obrazovnih programa na univerzitetima i drugim visokoobrazovnim institucijama Evrope. Sistem je zasnovan je na bodovima („kreditima“) koji izražavaju

opterećenje studenta u savladavanju određenog programa studija. Drugim riječima, to je „faktor težine“ nekog predmeta ili studija. Radi racionalizacije prostora studija u Evropi dogovoreno je da je za jednu akademsku godinu potrebno sakupiti 60 ECTS bodova, odnosno 30 za semestar ili 20 za trimestar. Primjena ECTS-a u univerzitetnoj praksi doprinosi većoj pokretljivosti studenata u Evropskom prostoru visokog obrazovanja, uz mogućnost prijenosa i akumulacije bodova stečenih na različitim institucijama, čime se stvaraju polazne pretpostavke kvalitetne međuuniverzitetske saradnje. A ECTS nije samo to. On je i najbolji indikator profila studija kojeg je student završio, pa je tako i od velikog značaja za poslodavce.

Bodovi ili „kreditne tačke“, ključni su element ECTS-a. Bodovi („kreditni“) dodjeljuju se pojedinim kursevima, modulima i predmetima, kao i drugim oblicima savladavanja predviđenog programa studiranja kao što su razni projekti, seminari, studije, eksperimentalni radovi, ispiti, radovi na terenu, disertacije, itd. ECTS predstavlja kvantitativno mjerilo ukupno uloženog rada studenta u savladavanju predviđenog gradiva i dodjeljuju se studentu nakon uspješnog okončanja određenog programa.

ECTS je prije svega efikasan instrument za kreiranje transparentnosti programâ koje nude visokoobrazovne institucije i diplomâ koje izdaju. ECTS na lakši način povezuje institucije i tako širi mogućnost izbora za studente. Također, sistem obrazovnim institucijama olakšava priznavanje rezultata studenta u savladavanju određenog programa studija putem općeprihvaćenih mjerila za njegovo vrednovanje. Time se osigurava jedinstven pristup u tumačenju nacionalnih sistema visokog obrazovanja u cijeloj Evropi. Danas ECTS ima šire dimenzije u odnosu na period kada je tek uspostavljen. Naime, on je i mjera akumulacije bodova („kredita“), tako da ćete ga danas sresti kao ECTS (European Credit Transfer and Accumulation System). No, u osnovi opća zamisao ECTS-a jeste omogućavanje fleksibilnosti i akumulacije bodova studentima, kako na svojoj obrazovnoj ustanovi, tako i u širem prostoru akademskog obrazovanja.



DODATAK DIPLOMI

DIPLOMA SUPPLEMENT

Dodatak diplomi (eng. *Diploma Supplement*) je dokument koji se prilaže uz diplomu ili uz neki drugi dokument o završenom određenom stepenu studija. On pruža detaljan uvid u nivo, prirodu i sadržaj studija, kao i u sistem i pravila studiranja na određenoj visokoškolskoj ustanovi. Ovaj dokument sačinjava nacionalna visokoobrazovna ustanova koja izdaje diplomu u skladu s općim modelom ovog dokumenta koji je usvojen na evropskom nivou.

Izgled ovog dokumenta 2005. godine usvojio je i Senat Univerziteta u Zenici, a nakon usvajanja općeg modela dodatka diplomi za našu zemlju kojeg je donijelo Vijeće ministara BiH. U osnovi dodatak diplomi sadrži:

- informacije koje identificiraju imaoa kvalifikacije;
- informacije koje identificiraju kvalifikaciju;
- informacije o nivou kvalifikacije;
- informacije o sadržaju i postignutim rezultatima;
- informacije o funkciji kvalifikacije;
- dodatne informacije;
- ovjeravanje dodatka diplomi;
- informacije o nacionalnom sistemu visokog obrazovanja.

Dodatak diplomi obavezno bi trebao da bude štampan dvojezično, odnosno na bosanskom, hrvatskom ili srpskom te engleskom jeziku, s tim da on nikako kao dokument ne može da zamijeni diplomu.



DODATAK DIPLOMI - DIPLOMA SUPPLEMENT*

(2 stranice - 2 pages; *vidjeti napomenu na strani 2 - see note on the page 2)

<p>1 INFORMACIJA O IDENTITETU NOSIOCA KVALIFIKACIJE INFORMATION IDENTIFYING THE HOLDER OF THE QUALIFICATION</p> <p>1.1 Prezime - Surname</p> <p>1.2 Ime - First Name(s)</p> <p>1.3 Datum rođenja (dan / mjesec / godina) Date of Birth (day / month / year)</p> <p>1.4 Identifikacijski broj ili filtra studenta (ako je lima) Student identification number or code (if available)</p> <p>2 INFORMACIJA O IDENTITETU KVALIFIKACIJE INFORMATION IDENTIFYING THE QUALIFICATION</p> <p>2.1 Naziv kvalifikacije (ako je primjenjiva) dodijeljena titula Name of qualification and (if applicable) title conferred</p> <p>2.2 Glavno područje (područja) studija radi kvalifikacije Main field(s) of study for the qualification</p> <p>2.3 Naziv i status institucije koja dodjeljuje diplomu (na jeziku porijekla) Name and status of awarding institution (in original language)</p> <p>2.4 Naziv i status institucije (ako je nema pod 2.3) nadležne za studij (na jeziku porijekla) Name and status of institution</p> <p>2.5 Jezik (jezici) školovanja / ispitiva Language(s) of instruction / examination</p> <p>3 INFORMACIJA O NIVOU KVALIFIKACIJE INFORMATION ON THE LEVEL OF THE QUALIFICATION</p> <p>3.1 Nivo kvalifikacije - Level of qualification</p> <p>3.2 Zvanično trajanje programa školovanja Official length of programme</p>	<p>3.3 Uslovi (uslovi) upisa - Access requirement</p> <p>4 INFORMACIJA O STEČENIM SADRŽAJIMA I REZULTATIMA</p> <p>4.1 Modalitet studiranja Mode of study</p> <p>4.2 Zahtjevi programa Programme requirements</p> <p>4.3 Detalji programa (vidjeti na drugoj, poeljednoj stranici) Please see last page</p> <p>4.4 Šema ocjenjivanja, ako je raspoloživa, smjernica za distribuciju ocjena Grading scheme, if available, grade distribution guidance</p> <p>4.5 Sveobuhvatna klasifikacija kvalifikacije (na jeziku porijekla) Overall classification of the qualification (in original language)</p> <p>5 INFORMACIJA O FUNKCIJI KVALIFIKACIJE INFORMATION ON THE FUNCTION OF THE QUALIFICATION</p> <p>5.1 Pristup daljnjem studiju - Access to further study</p> <p>5.2 Profesionalni status (ako je primjenjiv) Professional status (if applicable)</p> <p>6 DODATNA INFORMACIJA - ADDITIONAL INFORMATION</p> <p>6.1 Dodatna informacija - Additional information</p> <p>6.2 Daljnji izvori informacija - Further information sources</p>
--	---

**ECTS - EUROPEAN CREDIT TRANSFER SYSTEM
STUDENT APPLICATION FORM FOR STUDYING ABROAD
STUDENTSKA PRISTUPNICA ZA STUDIRANJE U INOSTRANSTVU**

This application should be completed in **BLACK** in order to be easily copied and/or reformed.
Formular treba popuniti crnim slovima radi lakšeg kopiranja i/ili slanja fajlova.

ACADEMIC YEAR / AKADEMSKA GODINA		FIELD OF STUDY / NAZIV STUDIJA:				
STUDENT'S PERSONAL DATA / OSOBNI PODACI STUDENTA						
First name / Ime:	Photograph Fotografija					
Family name / Prezime:						
Sex / Pol:						
Date of birth / Datum rođenja:						
Citizen number / IDBIB:						
Nationality / Nacionalnost:						
Place of Birth / Mjesto rođenja:						
Permanent address / Stalna adresa:						
Current address / Sadašnja adresa:						
Phone / Telefon:						
Current address is valid until / Sadašnja adresa važeća do:						
SENDING INSTITUTION / MATIČNA INSTITUCIJA		SENDING DEPARTMENT / MATIČNI FAKULTET/ODJEL				
Name/Ime:						
Address/Adresa:						
Country/Država:						
ECTS COORDINATORS						
INSTITUTION / INSTITUCIJE		DEPARTMENT / FAKULTETA/ODJELA				
Name/Ime:						
Phone/Telefon:						
Fax:						
E-mail:						
LIST OF INSTITUTIONS WHICH WILL RECEIVE THIS APPLICATION FORM (in order of preference) LISTA INSTITUCIJA KOJIMA JE UPućENA OVA PRILAVAJNA redoljedna pronicena						
No	Institution/ Institucija	Country / Država	Period of study / Period studiranja		Duration of stay (months) / Trajanje boravka (mjeseci)	N° of expected ECTS credits / Broj očekivanih ECTS bodova
			from od	to/till do		
I.						
II.						
III.						



MENADŽMENT UNIVERZITETA U ZENICI

Rektor

Prof. dr. sc. Damir Kukić

Tel. + 387 (0)32 444 430

E-mail: damir.kukic@unze.ba



Prorektor za nastavu i studentska pitanja

Prof. dr. sc. Enes Hašić

Tel. + 387 (0)32 444 420

E-mail: hasic.enes@unze.ba

Prorektor za međunarodnu saradnju i osiguranje kvaliteta

Prof. dr. sc. Malik Čabaravdić

Tel. + 387 (0)32 444 420

E-mail: mcabaravdic@unze.ba

Prorektor za naučnoistraživački rad

Prof. dr. sc. Aleksandar Karač

Tel. + 387 (0)32 444 420

E-mail: akarac@unze.ba

Prorektor za finansije i razvoj Univerziteta

Prof. dr. sc. Hasan Mahmutović

Tel. + 387 32 444 420

E-mail: rektorat@unze.ba

Generalni sekretar Univerziteta


Mediha Arnaut, dipl. pravnik

Tel. + 387 32 444 420

E-mail: mediha.arnaut@unze.ba



LOKACIJA UNIVERZITETA



Kao što možete vidjeti u mapi grada Zenice, najveći broj objekata Univerziteta nalazi se u kampusu, između Fakultetske i Travničke ulice. Izvan kampusa nalazi se samo Filozofski fakultet i Studentski centar, koji su s kampusom vrlo dobro povezani gradskim autobuskim linijama.



ZENICA UNIVERZITETSKI GRAD


Zenica je urbano središte u Centralnoj Bosni, u kojem živi preko 100.000 stanovnika, smješteno u dolini rijeke Bosne koja u iznimno lijepom meandru teče kroz samo središte grada. Mada je često poistovjećuju s teškom industrijom, Zenica je i grad mladosti, kulturni i sportski centar u kojem buja život. Kamerni simfonijski orkestar, Bosansko narodno pozorište, Omladinski hor, Muzej grada, novi atletski stadion, novi trgovački centar, nova Gradska arena, sajmovi ZEPS-a, kongresi i konferencije, sportski spektakli, otvoreni i zatvoreni bazeni, samo su djelić sveukupnog pulsiranja grada koji i nakon teških iskušenja rata, traži nove načine izražavanja vlastitog identiteta.

Posjetilac sa strane osjetit će želju svakog Zeničanina i Zeničanke da svjedoče o svom gradu jezikom tolerancije i slobodoljublja. Stoljetno naslijeđe neusiljenog prožimanja različitih kultura, običaja i vjera, Zenicu čini paradigmom međukulturnog dijaloga i suživota. Ove vrijednosti, zbog nenametljivosti njenih stanovnika, često su ostajale njen unutarnji i manje poznati kvalitet. Ovo i stoga što su građani Zenice toleranciju učinili modelom življenja, a ne ispraznim transparentom.

Zenica je grad koji na početku 21. stoljeća nastoji odgovoriti teškim političkim i ekonomskim izazovima. Središte je regije koja je na evropskom nivou proglašena za regiju budućnosti u pogledu stranih investicija i komparativnih prednosti koje nudi. Strani partneri prepoznaju ovu vrstu otvorenosti, pa nije slučajno što se najveća strana investicija u našoj zemlji desila upravo u Zenici. Te su investicije svakim danom sve veće i šire, te novi proizvodni i poslovni kapaciteti postaju zaštitni znak Zenice.

Zenica je grad parkova, zelenila i sportskih terena, koji se nalaze gotovo u samom centru grada, a bit će sigurno ugodno mjesto življenja i za Vas. Uz svoje domaćine na Univerzitetu, kolege studente, profesore i asistente, osjećat ćete se kao kod svoje kuće.

Za više podataka o samom gradu pođite na www.zenica.ba ili na web-stranici Univerziteta u Zenici pronađite Informacijski paket.





UVJETI PRIJEMA

U Vodiču za brucose nisu date upisne kvote koje određuje nadležno kantonalno ministarstvo i koje se utvrđuju u mjesecu junu svake godine. Podaci o kvotama bit će objavljeni u konkursu za upis studenata u prvu godinu studija. Preporučujemo vam da redovno pratite web-stranicu Univerziteta ili da telefonski kontaktirate studentske službe fakulteta radi dobijanja dodatnih informacija. Uvjeti upisa bit će precizirani u konkursu, a procedura rangiranja kandidata je transparentna s jasno definiranim kriterijima za svaki studijski program.

Ekonomski fakultet

Rangiranje kandidata vrši se na osnovu ukupnog broja bodova ostvarenih prema sljedećim kriterijima:

1. opći kriterij: postignuti uspjeh u srednjem obrazovanju;
2. pojedinačni kriterij: postignuti uspjeh iz predmeta bosanski, hrvatski, srpski jezik i matematika.

Metalurško-tehnološki fakultet

Rangiranje kandidata vrši se na osnovu ukupnog broja bodova ostvarenih prema sljedećim kriterijima:

1. opći kriterij: postignuti uspjeh u srednjem obrazovanju;
2. pojedinačni kriterij: postignuti uspjeh iz predmeta matematika, fizika i hemija.

Mašinski fakultet

Rangiranje kandidata vrši se na osnovu ukupnog broja bodova ostvarenih prema sljedećim kriterijima:

1. opći kriterij: postignuti uspjeh u srednjem obrazovanju;
2. pojedinačni kriterij: postignuti uspjeh iz predmeta bosanski, hrvatski i srpski jezik, matematika i fizika;

Filozofski fakultet

Rangiranje kandidata vrši se na osnovu ukupnog broja bodova ostvarenih prema sljedećim kriterijima:

1. opći kriterij: postignuti uspjeh u srednjem obrazovanju;
2. pojedinačni kriterij: postignuti uspjeh iz dva predmeta u dva razreda srednje škole, a koji su od značaja za odgovarajući studij (na svim studijskim programima);

Pravni fakultet

Rangiranje kandidata vrši se na osnovu ukupnog broja bodova ostvarenih prema sljedećim kriterijima:

1. opći kriterij: postignuti uspjeh u srednjem obrazovanju;
2. pojedinačni kriterij: postignuti uspjeh iz predmeta bosanski, hrvatski i srpski jezik i historija.

Medicinski fakultet

Rangiranje kandidata vrši se na osnovu ukupnog broja bodova ostvarenih prema sljedećim kriterijima:

1. opći kriterij: postignuti uspjeh u srednjem obrazovanju;
2. pojedinačni kriterij: postignuti uspjeh iz predmeta fizika, biologija i hemija;
3. prijemni ispit za kandidate studijskog programa opća medicina.

Islamski pedagoški fakultet

Rangiranje kandidata vrši se na osnovu ukupnog broja bodova ostvarenih prema sljedećim kriterijima:

1. opći kriterij: postignuti uspjeh u srednjem obrazovanju;
2. pojedinačni kriterij: postignuti uspjeh iz predmeta, koji su od značaja za odgovarajući studij (na svim studijskim programima).

Politehnički fakultet

Rangiranje kandidata vrši se na osnovu ukupnog broja bodova ostvarenih prema sljedećim kriterijima:

1. opći kriterij: postignuti uspjeh u srednjem obrazovanju;
2. pojedinačni kriterij: - postignuti uspjeh iz predmeta matematika i fizika;
3. prijemni ispit.

Posebni kriteriji koji vrijede za sve fakultete

Posebni kriteriji odnose se na priznanja za uspjeh i takmičenja u toku školovanja i to:

1. rezultata ostvarenih na takmičenjima iz predmeta relevantnih za određeni studijski program; te
2. posebnog priznanja »Učenik generacije«.

Navedeni podaci su preliminarni uvjeti upisa. Tačno definiranje svih uvjeta za upis obavlja naučno-nastavno vijeće svakog fakulteta i oni su uključeni u konkurs za upis studenata na I (prvu) godinu studija Univerziteta u Zenici, odnosno fakulteta članica. Stoga su moguće eventualne izmjene u smislu postojanja ili nepostojanja kvalifikacionih/prijemnih ispita, pomenutih u ovom Vodiču. Za sve potrebne informacije možete se obratiti studentskim službama svakog fakulteta ili ćete potrebne informacije pronaći na web-stranici Univerziteta u Zenici www.unze.ba

Univerzitet u Zenici
Fakultetska 3, 72000 Zenica, Bosna i Hercegovina
Tel. +387 (0)32 444 420, +387 (0)32 444 430
Fax. +387 (0)32 444 431, +387 (0)32 444 421



www.unze.ba • rektorat@unze.ba

Univerzitet u Zenici

Fakultetska 3, 72000 Zenica, Bosna i Hercegovina

Tel. +387 (0)32 444 420, +387 (0)32 444 430

Fax. +387 (0)32 444 431, +387 (0)32 444 421